

隨園續同人集

新式
標點
足本
隨園全集

杜就田署



續同人集姓氏目錄

慶賀類

邵	祝	程	張	陶	俞	陶	陳
吧	德	景	五	紹	葆	渙	熙
	麟	伊	典	景	寅	悅	
							金
	尤	王	陸	錢	方	陳	光
	維	祖	應	大	正	熙	國
	熊	庚	宿	昕	澍		
						陳	吳
	李	李	孫	慶	劉	志	蔚
	堯	重		玉	鵬	毅	光
	棟	華	韶				
				錢	嚴	錢	李
	朱	王	吳	琦	長	塘	堯
	依	文	寶		明		文
	真	治	書				
				梁	畢	何	孫
	李	鐵	商	同		士	士
	秉			書	沅	容	毅
	禮	保	盤				

隨園續同人集 慶賀類

祝太夫人八十

陳熙

瓊花初發蕊珠香，紫氣西來集鳳凰。半嶺白雲持獻壽，一家春色共稱觴。不扶鳩杖身原健，久住桃源老自忘。想見膝前人戲綵，宮袍已疊又開箱。罷畫樓臺翠黛間，春光歲歲奉慈顏。御賓暫把其霞掃，上壽難教猿鶴閒。玉爵酒漿斟北斗，絳紗絲竹出東山。瑤池定有羣仙至，拜舞天風響珮環。乍見涼颿試鯉魚，碧巖叢桂一花舒。雲窗玉酒添籌後，華屋金燈奠鴈初。錦語頻來傳母德，紫烟深處識山居。萱堂此日披帷笑，記否當年教讀書。先生弱冠步蓬瀛，一卷歸田賦早成。花塢身閒娛阿母，琴門心切忘蒼生。堂前試綵看萊舞，樓上吹簫作鳳鳴。此夕銀河清似水，雙星應傍老人明。

和簡齋先生六十原韻

金光國

士民祖道昔攀輿，隨賦歸田遂所如。宦海收帆三島近，仙雲繞戶四窗虛。池邊設榻盟鷗社，洞裏鋤芝帶鹿居。捨却經綸換清福，百年消受幾倉書。此身南極是前因，猶作班衣戲綵身。菊釀九秋先獻壽，櫻盤三月更娛親。嬌鶯亦和狂吟客，弱柳偏扶薄醉人。萬緣漸深樓閣隱，好憑金谷住長春。

前題

吳蔚光

平頭甲子記初更，傳到新詩衆盡驚。起草妙年皆著作，栽花小戲即功名。眼明特破三唐界，舌辨能參兩晉清。疑是古人應亦少，那知親見有先生。

前題

李堯文

四海知公兩鬢更，稱觴時節萬花明。舊傳宰相山中號，新著耆英社裏名。松柏也如人不老，春流永與福同清。

嘯懷便是長年藥，應笑區區說養生。珥筆當時侍翠輿，
過來春夢果何如？西垣清暇顯黃綃，東閣從容賦子虛。早
出荀池稱臥治，未開潘鬢愛閒居。先生畢竟千秋處，三十
年中五尺書。

七言一首爲簡齋前輩七十壽

孫十毅

讀書豈必窺蓬瀛？作吏難得稱神明。先生策之妙游
戲，年三十三返荊荆。鍵戶惟聞潔萊饋，登壇誰與爭齊盟。
欽遲于今五十載，馬牛風道心慚慚。巖疆承乏勢更阻，莫
愁那許瀟湘纒。忽傳遠聲香荔，還期密座槎秋橙。我似
霜蹄頻北向，君類陽鳥方南征。訪友有時隨蒼耳，常餐不
免憎羊羹。星巖玲峽探已徧，乃復蟻暇來羊城。擁笏聚觀
李北海，排闥直入費司卿。我年六十君七十，嶺南纔唱相
逢行。和歌譚易理，遠隔雲嶺帽氣益盈。外道驚見獅子
像，前身疑是蝦蟆精。款門取別語刺刺，郵箋細數灘江程。
蠻烟等雨甘枕藉，斷碑零碣珍瑤瓊。擅仙剔蘇口摹揭，空
山到處聞丁丁。尺書寄我極矜詡，要與百一抗銛評。吏歷

衡嶽下湘水，雲罕翠被紛來迎。抵家一瞥歲伊始，青紅繞
膝皆懽聲。芳辰僂指逢元巳，林淵錦鏡開晶瑩。嬉春繡履
先呈樣，占花吉壽剛抽萌。先生顧之粲然笑，掀髯滿引玻
璃觥。吾聞小倉山高分兩脈，蜿蜒而下溪橋橫。洞天隱隱
通戶牖，鸞鶴往往依軒楹。吹笙應來縵嶺客，搗藥僊遇丹
邱生。人生得此亦奇福，奚事每咽須侯鯖？與君分手鴈峰
更白雲，蒼波空復情。詩成漏下天字碧，少微朗照鍾山英。

前題

陶浹悅

三月正當初二日，先生剛慶七旬時。卅年故吏齊傾
酒，五代門生各獻詩。景物怡人天氣煖，笙歌留客夕陽遲。
天桃濃醉春風裏，千樹紅開近水枝。境自安閒心自舒，
精神矍鑠有誰如？隔窗能聽低聲語，秉燭還看細字書。小
步行過三里外，清談坐到二更餘。我來致祝非阿好，平地
神仙信不虛。不貪富貴不憂貧，如此天生得幾人名動
江關無後起。緣深山水有前因，閒情時醉家家酒。得意猶
尋處處春，五岳遊歸詩萬首。果然福量本精神，雙雙難
風立庭前。兄弟俱過舞象年，學讀詩書能上口。知迎賓客

每齊肩。名花慣在春光暮，好景尤多夕照天。願祝小倉一輪月，年年長向此山圓。

前題

陳熙

碧霄樓閣照江東，欲見神仙但見公。山引閒雲樓福地，天留彩筆管春風。監輿到處迎陶令，團扇從人畫放翁。三月韶光七旬壽，一杯酒進萬花中。聽松調鶴舉家清，兩版巖扉白下城。才子名偏傳婦孺，故交書懶報公卿。難從科第尋前輩，要向風騷起後生。試看東南來學者，龍門一到亦爲榮。憐才念舊意勤勤，吹律還教冷處春。廣廈萬間常庇士，微時一飯不忘人。應推盛德同安石，那許清狂比季真。我幸門牆頻奉教，管中窺得句中陳。

前題

陳毅

花甲稱觴十載餘，遊思五嶽未懸車。共傳早歲驚鴻博，誰信中年賦遂初。閱世久隨齊物論，銷閒能著等身書。老來一事真堪慰，疊產佳兒玉不如。當時弱冠侍承明，歲久交遊記未清。別省中丞稱後輩，還方名士認前生。山

川時至留佳詠，文字緣多愛遠行。如此尊靈光殿在，不愁到處少逢迎。

前題

錢塘

突兀龍門四海知，謝公墩畔有山茨。鶯花歲與俱行樂，風雅天教作總持。藝苑更無前輩在，酒尊到處後塵隨。平生膏馥蒙沾溉，撰杖偏憐卅載遲。兩湖探奇興未窮，勝遊更偏粵西東。天都直上笳枝健，瘴嶺歸來玉頰紅。收攬雲烟新句滿，較量筋力少年同。永和三日逢初度，欲借流觴進祝公。

前題

何士容

鎮日烏皮萬卷親，觀書老眼淨無塵。門高愈有登龍客，身健常聞奉杖人。詩裏風情長慶叟，水邊觴詠永和春。斜陽樓閣紅難盡，真箇桑榆暮景新。

前題

俞葆寅

託迹名園隔市閭，七旬未覺鬢毛斑。地兼遠近饒新

詠天與精神看好山。雙闕曾看雕錦賜。百蠻又拾海珠還。定知德耀稱觴後。學舞嬌兒也序班。

前題

方正澍

全無適俗韻。卅載被山留。遺世天人想。抗身黃綺儔。龍門推一代。彩筆擅千秋。一事曾論矩。休官未白頭。文章韓吏部。風調杜司勳。海內無前輩。田間有使君。門教雙鶴守。衣倩百花熏。世外升沉事。先生耳不聞。蟬鍊結爲路。芙蓉當作城。司香多玉女。載酒有門生。夜院紅窗燭。春湖畫舫筆。勝他仙佛處。轉覺在多情。

隨園先生春秋七十海內以詩祝

者甚多。鵬從遊最晚。行路最遙。受恩最重。紀事抒懷賦長律七

十四韻

劉志鵬

萬里遊初返。春風進壽觴。古稀年尚健。上巳日方長。朱履門前滿。銀鐙樹裏張。假詞盈粉壁。仙樂奏花房。度曲

鶯聲麗。迎賓鶴夢忙。星占周太史。殿剎得靈光。衣鉢傳真廣。行藏事最彰。垂髫遊泮水。弱冠列鸞行。博學傳西學。奇才薦洛陽。歌能壓短李。賦早獻長楊。射策登金殿。修文領玉堂。咸婚先入奏。乞假自題章。霍弗迎嘉耦。宮袍助豔妝。恩榮及閭閻。佳話著錢唐。戒旦聽嚴漏。趨朝履上方。三年辭館閣。百里種甘棠。子野公城舍。桓東年少場。一時齊革面。萬領盡提綱。縣譜談何易。與歌唱未央。祥刑思路召。遺愛媲裴黃。爲養雙親志。輕辭七品郎。公卿留不得。黎庶感難忘。解組尋幽境。看山住小倉。構軒因古樹。引水入新塘。樓寬江城外。花開臥榻旁。雲藍裁作紙。荷菱剪爲裳。隄仿西湖曲。窗迎北牖涼。藩籬全不設。魚鳥任翱翔。門有千竿竹。家無半垆牆。人欽劉尹樹。賊拜鄭公鄉。已闢琉璃界。還修金石藏。閒情寄卷帙。冷眼看滄桑。勸學猶燒燭。抄書屢滿箱。受恩頻記憶。聞善必揄揚。差服張倉乳。兼辭扁鵲方。心能參上乘。手不拜空王。說鬼東坡樂。登樓王粲強。百般無禁忌。一世總安康。雛鳳生雖暮。秋花晚更芳。七齡看上學。萬卷可貽將。落天人天喜。悠悠歲月良。眉齊雙白髮。夢醒幾黃梁。公似香山達。儂慙杜牧狂。相逢同恨晚。受教迴

殊常。學不嫌疎隔，吟偏許臂囊。頻分仁者粟，不受束修羊。
字向元亭問，花聞絳帳香。只甘作時雨，那管是荒莊。得見
心先喜，聞離意即傷。從遊朝臘履，共寢夜連牀。打漿先吳
下，連鑣過古杭。清溪逢姊妹，華頂學劉綱。鴈宕峯巒險，天
台水竹蒼。驚看雷劈樹，高坐石爲梁。瀑布當頭下，飛禽夾
耳拾。黃山尤斬絕，瀟浦更迷茫。小子從而後，先生笑不妨。
教吹邀月笛，自珮鎖雲囊。再捉羅浮蝶，旋搖桂水航。盤中
餐荔子，海上訪珠娘。候日升衡岳，彈棋過楚湘。逢迎常意
外，去住有輝光。冠蓋傾城接，生徒引領望。隄前夸貌貌，燈
下挽行裝。豈止留三宿，兼承餽五漿。山僧談德政，戎客誦
文章。集可教牛負，才難論斗量。中丞師禮事，方伯丈人行。
清福誰能及，行跡我獨詳。封胡從謝傳，惠子侍蒙莊。寒暑
三年共，文章一路商。田何膝可枕，皇侃唾曾嘗。恩重知難
報，心堅事易償。願扶靈壽杖，同過一千霜。

前題

嚴長明

仙家得壽本無期，今歲纔過七十時。四海人誰比肩
立，千秋名已寸心知。詩篇在古何曾觀，風月於君若有私。

清是才華穩是福，問誰兼擅有如斯？二十科前舊錦袍，
貞元往事憶迢迢。蓬山昔夢涼於水，棠舍新陰碧曉霄。星
斗笑從棋局落，江山肯負畫屏招。若非金粉南朝在，如許
閒情那處消。謝公墩畔有前塵，合付名流寄此身。山迴
儘容羣岫競，地靈能使百花新。坐來絳帳常吹笛，鍊得黃
金但買春。自恨草堂粗已就，未曾來結宋家隣。小有天
難罄大才，高帆索向嶺雲開。文章海外龍舒卷，山拂山中
蝶往迴。彼美漫將禽向擬，吾生親見白蘇來。從今此日須
同醉，自分猶能卅度陪。

寄祝隨園前輩七十

畢沅

巋然江左一靈光，星斗胸羅句出芒。詩卷靜留真歲
月，烟霞絢染好文章。何人御李思懷刺，此事推袁定擅長。
春到杖頭元不老，雙丸物外任他忙。元相才名中禁傳，
難林紙貴豔新篇。筆雄繡虎詩兼史，影落飛鳥吏即仙。綠
字養心花養性，碧山同壽鶴同年。回思上表成婚日，曾撒
明光寶炬蓮。園裏樓臺江外山，盍簪曾記款雲關。地兼
綠野平泉勝，人在青蓮玉局閒。官職拋纔全福占，詩名成

爲半生閒。別來未取征衫浣，猶帶倉山冷翠斑。半入名
場半隱淪。鹿銜芝草伴長生。六朝風骨餘金粉，五岳真靈
作主賓。燕喜尊開蘭渚會，鳳簫聲遠洛川濱。祝鳩寄語須
珍重。已未詞臣有幾人？

賀隨園生子

陶紹景

舊日詞壇久著名，同袍落落幾零丁。年來底事關心
甚？說到宜男屬耳聽。擎掌圓珠光有耀，試啼英物眼爲青。
文章機代今雙璧，次第趨庭好授經。靈物由來難出世，
何嫌晚歲得佳兒。丹山彩鳳離非易，碧海仙桃實本遲。天
道有知原不爽，孝思無盡獨餘悲。報劉異日添佳話，豈必
含飴在此時？

前題

錢大昕

傳聞閩史已書名，共羨先生老復丁。詩卷好留宗武
誦，啼聲且倩太真聽。休憎綠髮淋浪白，更放楊榆次第青。
五十四男猶未晚，彭錢當日有真經。

寄阿遲

滿洲慶玉

笑余繞膝子孫賒，又得螟蛉喚阿爺。慚媿秋風老蒲
柳，居然庭外茁蘭芽。珠襦繡襪縱難如，爲祝遐齡福有
餘。一個錦兜寄將去，他年包裹五車書。

和重遊泮宮詩

錢琦

六十年來未了身，眼看幾度泮池春。王前盧後空懷
舊，周北張南自作鄰。兩領青衫成法物，一頭白髮笑陳人。
文章我輩千秋事，得會諸公亦夙因。偶爾逢場學少年，
敢云游戲是神仙。鶯新出谷原求友，馬老知途又著鞭。兩
舍先生趨避席，一堂弟子拜隨肩。都教傳說杭州徧，半指
風流半笑顛。

和簡齋先生與沙前輩重遊泮宮

詩

梁同書

兩翁游戲百年身，笑檢青衫認故人。曼倩仙山應再
到，魯侯章句要重申。衣冠佳話尊前輩，芹藻新題屬後塵。

我憶童蒙稱弟子，也經四十八年春。爲數童初歷侍晨，疑生修到散仙身。敗荷衫色今朝似，嫩柳袍痕舊日春。二老風流如舊殿，中朝人物在儒紳。兩賢故事從茲始，說與當前樂泮人。

前題

陝西 張五典

早歲曾經到石渠，爲嫌腰重却金魚。如何拾芥看青紫，偏憶欄衫著體初。青青衫色淨無華，妙相猶如淡竹花。一自中年遂初服，可還披曳臥烟霞。

前題

陸應宿

共瞻泮水現文星，同案無多感倍深。久把荷衣換宮錦，今偏含笑看青衫。髫年佳話聽重誇，爭寫新詩護碧紗。記否羊車迎入市，憑闌羨殺女兒家。

前題

孫韶

十二芳齡入泮池，如今說起少人知。圍橋千丈參天樹，曾見先生舞勺時。檢出藍衫色似烟，風前笑煞老神。

仙。自從釋褐金門後，疊在空箱六十年。膠庠回首夢迢迢，自寫生平吮彩毫。一自公詩傳誦後，人問不敢薄青袍。

前題

吳寶書

玉皇香案舊仙班，疊序重來鬢已斑。底事仙人駕雲路，又從天上憶人間。取次文星照泮池，漫教多士結新知。朝衫已脫荷衣卸，還有青袍似舊時。

簡齋新得隨園賦詩作賀 商盤

溪山定價幾人論？福地明明世外存。別業原爲康氏苑，勝情恰對謝公墩。題牋未可圍紅袖，畫扇從教徧白門。兩字南朝忘不得，賺他詞客又銷魂。人天一別與飛騰，塵上襟裾漸漸增。左掖看花君記否，大堤騎馬我曾過。江不愧真名士，退院其如未老僧。領取十年卿相後，幅巾野服始相應。

送簡齋同年恩假歸娶

程景伊

燕臺驕控驪駒，靈匹無端滯好逑。博得宮袍歸翼

鴈，小紅花下詠睢城。紅絲隔幔佩珊瑚，報道文簫駕彩鸞。玳瑁簾無進酒，可能還記玉堂寒。催妝整許玉郎歸，可許香衾戀錦圍。轉眼錢塘春水綠，紅繩須索一雙飛。

前題

王祖庚

金門射策著先鞭，杏苑簪花列上仙。走馬六街春色好，美人簾下話芳年。暫辭丹陛下三吳，只爲求凰不爲鱸。吹徹紫簫三五夜，蓬萊圓月照西湖。玉鞭東指馬如龍，正值陽春一綫濃。鸞鏡忽開鴛扇却，畫眉今始說相逢。

前題

李重華

人生兩事恆貪却，宴爾新婚麼好爵。翰林歸娶聖湖西，世間實有揚州鶴。袁郎年少才絕奇，逸氣高懷上寥廓。一朝馬足起春風，書生面目還如昨。定徵此去赴佳期，縱有歡娛應淡泊。張敞長眉或淡描，少君短布仍更著。西冷花發好尋詩，奚奴背錦隨驢脚。此時坦步一幽人，何緣認道登仙閣。故里求風勿久淹，上林歸燕須如約。中禁方期賦紫微，城南更待題紅藥。他年命婦謁慈靈，方將共聽釣

天樂。

前題

王文治

隨園示我歸娶圖，乃是五十五年前所作。封題剝蝕絹素殘，畫裏神光獨凌轡。先生之才曠代希，先生之遇尤太奇。若使當年致令僕，腰垂金帶神先疲。天公好在善位置，或豐或嗇別有宜。仕隱之外闢一境，總非世間意計之所期。卽如科名人共羨，登科歸娶誰弗願。稗官院本作常規，求之史書豈數見。館閣百年僅五人，五人面目各有異。公也汪洋恣肆才似海，窮鄉婦孺俱樂相近而相親。公之歸福良難得，不僅房中樂琴瑟。青樓爭欲嫁名卿，逆旅無端到紅拂。歸娶時誇春月柳，彈指之間雙白首。樛木雍容附葛多，成就才人縱詩酒。邇來垂老檢巾箱，馬上依然白面郎。往事原知總春夢，巢痕偏送舊泥香。

前題

鐵保

詔恩歸娶興如何，白髮朱顏鏡裏過。我向先生稱後輩，廿年前亦小登科。

前題

祝德麟

才名遠愧生花管，佳話傳來合盞杯。一樣宮袍天廡馬，翩翩新白日邊回。翰林此例幾人同，近有中丞遠相公。今日鹿門車共挽，披圖猶憶舊春風。

前題

尤維熊

當日恩榮世共知，畫中人已老袁絲。誰能白髮妝臺裏，同話宮花壓帽時。佳話從頭數玉堂，漫勞學士感滄桑。鴛鴦到老雙飛穩，春夢何須第二場。大遊仙與小遊仙，略記仙蹤不記年。我比曹唐高一著，神仙親手教題箋。喜傍簪花筆格新，不嫌紙尾殿芳春。國風大半宮閨製，小雅何妨獨後陳。

前題

李堯棟

風光我亦過來人，悔不當時一寫真。惆悵菱花新白髮，匆匆彈指廿年春。神仙爲注鴛鴦綰，頭白飛來影尚雙。文不如公希一議，私心未肯望風降。絳紗弟子半鍼

神，忽殿鄒公五朵新。不道貞元朝士盡，更勞開府憶前身。

寄壽隨園先生七十

朱依真

江南有偉人，髮白神不懣。河日而海口，披胸納雲芥。二十策天人，三十課殿最。仁風婦孺歌，麗句仇讎愛。紛然雞犬昇，半屬丹餘丐。自嫌官府多，抽笏辭上界。金陵稱高公，莊園仿鹿特。山中日月長，小劫風雨快。濟勝具猶昔，臥遊圖可廢。台宕與黃山，收拾入來袋。有時展吟卷，瀑布聲宛在。忽憶桂嶺雲，重踏巒嶠背。私幸因緣到，獲展先生拜。別來爾許時，屢荷齒牙挂。傳來自壽詩，發緹見光怪。三月六朝春，一觴清酒介。齊眉兩白髮，我拔子亦珮。花間引鳳雛，金紫集朋輩。清福帝所靳，盛名神或害。二者熊魚兼，所得斯亦大。天意若私公，特以隨園寶。俾作地行仙，超出延康外。伊余天隨徒，浩蕩本無閑。近期山陰棹，即訪剡中戴。遠矚銅駝陌，握手三千載。

前題

李秉禮


正憶袁夫子，雙魚嶺外逢。言停湘水棹，直上祝融峯。

日出扶桑曙，帆開朔雪濃。脩然塵境外，雲海盡心胸。計
到隨園日，春風鶴算添。鶯花三月半，仙佛一身兼。宦跡傳
方朔，詩才似子瞻。遠遊知倦否，無事靜垂簾。

前題

邵 屺

文字相知感夙因，追陪絳帳執經身。主持壇坫心常
切，管領溪山分外親。爭羨北堂稱稚子，再祈南國誕才人。
十年一度巾幘祝，白歲鶯花好占春。



續同人集姓氏目錄

答謝類

劉錫五	李廷敬	陸應宿	胡德琳	錢琦
何道生	宮國苞	錢維喬	羅聘	陳寅
黃中理	吳渙	尤蔭	汪雲根	錢維喬
祝德麟	沈鼎生	沈琨	劉志鵬	錢塘
	趙曾益	劉志鵬	張五典	仲蘊槃

隨園續同人集 答謝類

簡齋先生惠寄拙稿序文

小詩報謝

錢琦

閉戶白雲隈，呼童掃石苔。捲簾邀燕入，買酒待花開。
獨坐靜無事，春光去不回。忽聞聲剝啄，良友寄書來。
露開絨讀吹來寶墨香，久要償夙諾，交誼入文章。後世誰知者？名山漫許藏。他年商訂定，梨棗亦生光。
兩載與君別，迢迢繫夢思。老惟交戀舊，閒只自刪詩。芳樹綠垂屋，落花紅滿池。南雲天際望，此意夕陽知。空山流水杳，誰與賞孤芳？何幸鍾期遇，應添阮籍狂。青松交落落，白鶴感茫茫。無限懷君思，因風寄短章。

甲午除夕謝賜魚鬆

陳寅

殘年旅館獨徘徊，忽見雙魚使捧來。細膽欲飛千點雪，深情如寄一枝梅。椒盤酒冷春猶淺，僧臘風高燠已回。

欲訊山中袁太史，祭詩此際是誰陪？

簡齋先生寄贈宣紙徽墨伽南香

石笛并詩文集全部卽賦長句

奉答

錢維喬

子才吾友而兼師，別來三載夢見之。尺書昨到謂過我，開函狂喜誇妻兒。官衙偏仄復偏仄，打頭之屋無寸隙。太常猶幸久齋居，可讓繩牀留一客。南江潮沙春寒厲，煖湯剪紙候公至。懷中探札字無訛，天際望舟風頗利。去年量移來海濱，簿書堆案紛相因。平生畏辦兩事最，催科治賊傷吾仁。鞭笞朱墨黷不已，復勞手板朝參頻。庭魚不懸飯不糜，民疲吏猾何由淳？強持面目忍枘鑿，誰識臭味殊。荷薰胸中鬱勃正難數，欲待公來大傾吐。高譚盡撒下走蒙，一日萍踪可千古。忽然急足馳新昌，乃持絨膝遠饋將。

原
书
缺
页

牟尼百八久珍藏，忽感題書遠寄將。解珮君分開府惠，傳衣我愧令公香。菩提結果心相印，瑤瑤堆盤夜有光。紅豆多情真巧合，相思千里兩難忘。

謝簡齋太史餽米

羅聘

正報詩蠶盡，行廚冷夕曛。且隨乞米帖，不作送窮文。清況誰知我，高情獨感君。炊烟看乍起，一縷裊秋雲。

謝賜食物

汪雲根

薪桂恨不斫月中桂，炊珠惜不見天雨珠。柱腹尚未足葵菹，其餘信道枯腸枯。叩門使者袁夫子，兼珍分餉及山廚。脯修擅美蘭溪曲，畢羅妙選傳嘉湖。捶熬黏勸各有法，風韻迥與凡品殊。蓬門忽爾來異味，盡室兒女相歡呼。亦知釜鬻不可概，勢欲倒篋供啜哺。牽衣繞膝揮復至，分甘一一徧須臾。存者緘藏置高閣，留爲阿翁緩急需。昔聞牛心炙噉知名士，蒸餅餉去充胡虜。賸子癯廢久不學，筆墨強弄口噉噓。何爲先生重賜與，使我枵腹嘗膏腴。不愁菜園踏欲破，但恐他年畫餅供胡盧。

謝簡齋夫子贈裘

劉志鵬

朔風連夜敝貂殘，特送狐裘稱體寬。笑我因人方得熱，從今立雪不知寒。名山書助劉棊富，絳帳花憐范叔單。自取緼袍箱裏疊，他年好當故交看。

謝簡齋先生贈詩次韻奉答

張五典

山中別業半依城，路僻林深鳥不驚。欹枕窗間聞澗落，杖藜脚下看雲生。楊門好客終朝設，身自辭官卅載輕。數與接談多近道，寸莛直許發鐘聲。

三十生辰謝舅祖賜貂鼠

陸應宿

栗鼠叨榮賜，知憐范叔寒。空齋增馬齒，敢羨珥貂冠。寵過千枚贈，珍當一腋看。溫華真曲被，差喜託身安。

鄞邑有小魚味類蝦米或呼曰海

蝦簡齋先生書來索此寄贈一

筐並佐以詩

錢維喬